

ԳՐԱԿԱՆ ԿԱՊԵՐ

ՀԱՅԱՍՏԱՆՅԱՆ ԳՐՈՂՆԵՐԸ ՀՅՈՒՐԵՆԿԱԿԵՅԻՆ ԻՐԵՆՅ՝ ՎՐԱՅ՝ ԳՈՐԾԵՆԿԵՐՆԵՐԻՆ

Թբիլիսիում էր գտնվում Հայաստանի գրողների պատվիրակությունը, որի կազմում էին բանաստեղծներ՝ Ալ.Մայակովսկու և Իվանե Մաչաբեյու անվան մրցանակների դափնեկիր Գագիկ Դավթյանը, Խաչիկ Մանուկյանը, Ջոն Թորոսյանը, «Հայաստան» հրատարակչության տնօրեն Վահագն Սարգսյանը, թարգմանիչ, երեսանի թիվ 35 դպրոցի տնօրեն Ասատուր Սարյանը: Վրաստանի գրողների միության (ՎԳՄ) նախագահ, անվանի արձակագիր Ռեւազ Միշվելաձեն և նախագահության անդամները ջերմորեն ողջունեցին իրենց հայաստանցի բարեկամներին:



Հանդիպման ընթացքում հայ-վրաց փոխադարձ գրական կապերին աղերսվող մի շարք հարցերի հետ միասին, մեր գրականությունների միջև սերտացման սերտ կապերի է՛լ ավելի ամրապնդման առումով, արժեւորվեց վերջերս ՎԳՄ-ում հայկական մասնաճյուղը վերաբացելու փաստը և դրա համար շնորհակալության խոսք ասվեց միության ներկա նախագահության հասցեին: Հյուրերը շնորհավորեցին նորանշանակ նախագահ Անահիտ Բոստանջյանին և արգասաբեր գործունեություն մաղթեցին մասնաճյուղին:

Հանդիպմանը մտքերի փոխանակմանը մասնակցեցին Ռեւազ Միշվելաձեն, Գագիկ Դավթյանը, Բաղաթեր Արաբուլին, Սոսո Սիգուան, գրականագետ Վլադիմիր Սարիշվիլին, Վահագն Սարգսյանը, Անահիտ Բոստանջյանը, Խաչիկ Մանուկյանը:

ԱՆԱՅԻՏ ԱՐԱՂԱՍՅԱՆ

ՕՐԵՆԱԴՐՈՒԹՅՈՒՆ

ԴՐԱՄԱԿԱՆ ՏՈՒԳԱՆՔ՝ ՎԱՐՈՐԴԱԿԱՆ ՎԿԱՅԱԿԱՆԻՑ ԶՐԿՎԵԼՈՒ ՓՈԽԱՐԵՆ

Ճանապարհային երթևեկության և անվտանգության կանոնների խախտման համար վարորդական վկայականից զրկվելու փոխարեն, առանձին դեպքերում, ներդրվում են դրամական տուգանքներ:

«Վարչական իրավախախտումների օրենսգրքում» ծրագրված փոփոխությունները, որը նախատեսում է վերոնշյալ նորամուծությունը, կառավարությունը խորհրդարանի քննարկման համար առաքեց ճանապարհային երթևեկության առնչվող այլ օրինանախագծերի հետ միասին: Ինչպես պարզաբանեցին ներքին գործերի նախարարությունում, վարորդական վկայականից զրկվելու փոխարեն, դրամական տուգանքի սահմանման նախաձեռնությունը պայմանավորված է միավորների համակարգի ներդրմամբ: Մասնավորապես, «Վարչական իրավախախտման օրենսգրքով» արգելված մթնոցրած ապակիներով տրանսպորտային միջոցը վարելու դեպքում, վարորդը, ներկայումս գործող օրենսդրությամբ, վեց ամսով վկայականից զրկվելու փոխարեն, կվճարի 300 լարի տուգանք:

Գործող օրենսդրությամբ, վարորդական վկայականից վեց ամսով զրկվում են այն վարորդները, ովքեր մեկ տարվա ընթացքում այնպիսի խախտման կրկնությունը, ինչպիսիք են տրանսպորտային միջոցի վրա լուսային հատուկ ազդանշանային համակարգի ծայնային ազդանշանի կամ հատուկ բարձրախոս սարքի տեղադրումը, ինչպես նաև օպերատիվ կամ հատուկ տրանսպորտային միջոցների համար նախատեսված զուսավորման օգտագործումը: Ներկայումս խորհրդարանին ներկայացրած փոփոխությունների կիրարկման դեպքում, վերոնշյալ իրավախախտումը կպատժվի 300 լարի տուգանքով: Հատուկ ազդանշաններ ունեցող ավտոմեքենայի երթևեկության արգելքներ հարուցելու դեպքում, վարորդը մինչ օրս գործող վարորդական իրավունքից մեկ տարով զրկվելու փոխարեն, կտուգանվի 100 լարով: Իսկ վերոնշյալ իրավախախտումների դեպքում, որի արդյունքում վնասվում է տրանսպորտային միջոցը, բեռը, ճանապարհահատվածը, ճանապարհային կամ այլ կառույցը, գույքը, կամ հանգեցնում է մարմնական վնասվածքի, վարորդական իրավունքից զրկվելու փոխարեն, սահմանվում է 700 լարի տուգանք:

Բացի այդ, տրանսպորտային միջոցի կանգնեցման մասին ոստիկանության պահանջը չկատարելու դեպքում, մինչ օրս գործող մեկ տարով վարորդական վկայականից զրկվելու պատժամիջոցը փոխարինվում է 300 լարի տուգանքով: Վարորդի կողմից սահմանված արագությունը 15 կմ/ժամով գերազանցելու դեպքում, ինչը կարող է հանգեցնել տրանսպորտային միջոցի, բեռի, ճանապարհահատվածի, ճանապարհային կամ այլ կառույցի, գույքի վնասման կամ մարմնական վնասվածքի, ներկայումս գործող պատժամիջոցը, որը նախատեսում է մեկ տարի ժամկետով վարորդական իրավունքից զրկում, խորհրդարանի քննարկմանը ներկայացված օրինանախագծով կփոխարինվի 500 լարի տուգանքով: Վարորդական վկայականից մեկ տարով զրկվում կփոխարինվի 800 լարի տուգանքով այն վարչական իրավախախտումների դեպքում, ինչպիսիք են տրանսպորտային միջոցներով ճանապարհահատվածի կազմակերպված շրջափակումը, քաղաքում կամ այլ բնակավայրերում խմբային երթևեկության մասնակցությունը, որի արդյունքում լրիվությամբ շրջափակվում է ճանապարհի երթևեկի հատվածը: Մոտակա մատաշրջանում խորհրդարանը, վերոնշյալ նախաձեռնությունները ներառող օրինանախագծերի հետ միասին, քննարկելու է նաև աջադեմ մեքենաների գրանցման արգելման, երեքից վեց տարվա արտադրության մեքենաների ներկրման, մաքսազերծման գումարի նվազեցման և այլ ոլորտում նախարարության կողմից ներկայացված մյուս փոփոխությունները:

ՅՈՒՐԻ ԽՈՐԵՆՅԱՆ



ԿՐԹԱԿԱՆ ՆՈՐՈՒՅՑ

ՄԱՆԿԱՎԱՐԺՆԵՐԻ ԱՆԽԱՏԱՆՔԸ ԿԳՆԱՀԱՏՎԻ ՏԵՍԱԴԱՍԵՐՈՎ



Մանկավարժների մասնագիտական զարգացման սխեմայի կարևոր բաղադրիչներից մեկը տեսավերահսկողությունն է: Ներկա դրությամբ, այդ համակարգը պիլոտային վիճակում է, և փորձաստուգումը կավարտվի մայիսի վերջին: Քննությունների ազգային կենտրոնի ղեկավար Մայա Միմինոշվիլին տեսավերահսկողությունը համարում է պարտադիր, և սա առնչվում է բոլոր այն մանկավարժներին, ովքեր հանձնել են առարկայական քննությունը:

- Ներկա դրությամբ, մանկավարժների տեսավերահսկողությունը պիլոտային կարգով իրականացվում է Ռուսթավիի և Կասպիի դպրոցներում: Երբ վերջնականապես պարզենք, թե ինչ տեսակի տեխնիկա է անհրաժեշտ, կրթության նախարարությունը կսահմանի, թե երբ կներդրվի տեսավերահսկողության համակարգը: - Ներկա դրությամբ, մենք զենել ենք միմյանցից տարբերվող երկու սարքավորում, ինչն իրականացվեց Համաշխարհային բանկի ֆինանսական օգնությամբ: Պիլոտային համակարգը կօգնի պարզել, թե վերոնշյալ երկու սարքավորումներից ո՞րն է առավել արդյունավետ: Մայիսի վերջին մենք կունենանք մշակված, այսպես կոչված, գնահատման սանդղակի վերջնական տարբերակը,

հետևաբար, արդեն պատրաստ կլինեն վերահսկողության այդ համակարգի ներդրմանը: - Ե՞րբ սկսեցիք տեխնիկական սարքերի ձեռքբերումը, և կոնկրետ ի՞նչ տեխնիկայի մասին է խոսքը: - Ինչպես արդեն ասացի, մայիսի վերջին մենք պատրաստ կլինենք նոր համակարգի ներդրման համար, թեպետ բոլոր դեպքերում, հարցի լուծումը կախված է կրթության նախարարությունից, թե այն երբ կհասցնի դպրոցներն ապահովել համապատասխան տեխնիկայով: Լշանակալից է նաև պարզել, թե որ դպրոցներում է տեղադրվելու այդ տեխնիկան: Ինչ վերաբերում է ձեռք բերած տեխնիկային, ապա դրանում ներառված են տեսախցիկը, ձայնագրման սարքը, որով իրականացվելու է տեսադասի ձայնագրումը և երկու խոսափող, որոնցից մեկը կտեղադրվի դասարանում, իսկ մյուսը կամրացվի ուսուցչին: - Քանի՞ դաս տեսագրելու և գնահատման համար առաքելու իրավունք ունի ուսուցիչը: - Այդ հարցը որոշելու են մանկավարժն ու դպրոցի տնօրինությունը: Լշենք, որ տեսագրման գործընթացն իրականացնելու է դպրոցը: Այդ առումով մենք նրանք ենք վերապահում այդ իրավասությունը: Դպրոցի տնօրինությունը մանկավարժների հետ միասին կազմելու է գրաֆիկ, ըստ որի, ուսուցիչը կնշի կոնկրետ ո՞ր դասարանում է իրականացվելու տեսագրությունը: Կարելի է նշանակալից այն է, որ անկախ նրանից, թե քանի դաս է տեսագրվում՝ տասը, թե տասնհինգ, ուսուցիչն ընտրելու է, իր կարծիքով, լավագույն երկուսը, և այն առաքելու է գնահատման: Հարկ է նշել, որ դասի տեսագրումը պարտադիր է բոլոր այն ուսուցիչների համար, ովքեր հանձնել են առարկայական քննությունը: Նաև ավելացնենք, որ ուսուցիչի աշխատանքը միայն տեսագրությամբ չի գնահատվի: Ուսուցիչը տեսագրության հետ միասին պետք է ներկայացնի քննական ծրագիրը, որը, այսպես կոչված, ռեֆլեքսային փաստաթղթերի հետ միասին ներառվելու է հատուկ ծրագրում: - Տեսականորեն ի՞նչ առավելություն ունի դասի տեսագրությունը, և ուսուցիչները ինչպե՞ս ընդունեցին տեսավերահսկողության նորամուծությունը: - Մինչև համակարգի ներդրումը, շատ հանդիպումներ եմ քննարկումներ ունեցան, թե նորամուծությունը որքանով է ընդունելի մանկավարժների համար: Կարելի է ասել, որ միայն մեկ անգամ քննարկվեց այն հարցը, թե ո՞րն է առավել գերադասելին՝ ուսուցչի աշխատանքի գնահատումը տեսավերահսկողությամբ, թե՞ դասին հատուկ հանձնաժողովի մասնակցությամբ: Մի խոսքով, նորամուծության դրական և բացասական կողմերի մասին շատ խոսվեց: Համոզված եմ, որ դասերին ներկա գտնվելը բացասական շատ կողմեր ունի: Բոլոր դեպքերում, ըստ իս, ուսուցչի աշխատանքի գնահատումը, այդ դեպքում, որոշակի սուբյեկտիվ միտում է պարունակում: Անկախ վերահսկիչի մասնագիտական պատրաստակամությունից, նրա գնահատականը, միեւնոյն է, սուբյեկտիվ բնույթ ունի: Բացի այդ, վերահսկիչի ներկայությամբ անցկացված դասի շնորհիվ գնահատումը հիմնվում է միայն կոնկրետ դասի հարցով: Համարվում է, ուսուցիչը լինի բարձր որակավորման, սակայն, տվյալ պարագայում բացարձակապես օբյեկտիվ պատճառներից ելնելով, չկարողանա դասն անցկացնել համապատասխան մակարդակով: Հետևաբար, միայն մի

դասի վրա հիմնված գնահատականը չի կարող լինել օբյեկտիվ և, ըստ դրա, որոշվի մանկավարժի գործունեության մակարդակը: Մանկավարժական գործունեությանը փոքրիշատե ժամոթյուրաբանչյուր մարդ քաջատեղյակ է, որ բոլոր դասերը բարձր մակարդակով անցկացնել հնարավոր չէ: Այնպես որ, մի քանի դասերի ընթացքի ձայնագրումը թույլ կտա վերացնել կամ նվազագույնի հասցնել նյարդայնությունը և ապա որոշում ընդունել, թե այդ գրանցումներից որը պետք է ներկայացնել գնահատման: Բնականաբար, նման տարբերակն ընդունելի է ինչպես մանկավարժների, այնպես էլ՝ մեզ համար: Տեսավերահսկողության դրական կողմ կարելի է համարել նաև այն, որ այն հիմնված է կոնկրետ ձայնագրության վրա: Իսկ ինչ վերաբերում է վերահսկիչի գնահատականին, ապա դժվար է երաշխավորել, որ դրանում սուբյեկտիվ միտումները բացակայում են, քանի որ դժվար է ստուգել, թե որքանով է վերահսկիչի գրանցումը անկողմնակալ: Բացի այդ, տեսավերահսկողության դեպքում, ուսուցիչը, տրված գնահատականին չհամաձայնելու դեպքում, կարող է այն բողոքարկել: Այդ դեպքում, վճռաբեկ հանձնաժողովը կրկին անգամ կարող է ստուգել տեսագրությունը և կատարել վերագնահատում: ՄՍՄՆ ԿԻԼԱԶԵ


ՄՍՄՆ ԿԻԼԱԶԵ

ԾՁ ԾՕ - ձ 2 ↑ 2 ռ Է 2 Ս * 2 ՍԷ 2 1/2 Ս * Է ձ ԾՃ ձ ԾՕ, Ս՞ Ծ

ԲՈՒՍԱԲՈՒԺՈՒԹՅՈՒՆ

ԽԱՂՈՂԻ 10 ԲՈՒԺԻՉ ՀԱՏԿՈՒԹՅՈՒՆՆԵՐԸ

Բոլորիս քաջ հայտնի խաղողը ոչ միայն համեղ միրգ է, այլ նաև առողջարար է մեր օրգանիզմի համար: Բազմաթիվ ուսումնասիրություններ ցույց են տվել, որ խաղողի մեջ առկա ռեսվերատրոլ կոչվող նյութը դրական ազդեցություն ունի առողջության վրա: Դեռ հնուց այն օգտագործվում էր բժշկության մեջ՝ յարդի ու սրտի հիվանդությունների բուժման ժամանակ, արյան մեջ խոլեստերինի մակարդակը իջեցնելու համար, մրսածության դեպքում, ինչպես նաև որպես հակաքաղցկեղային միջոց: Stay on the Healthy Path.com-ն առանձնացրել է խաղողի այն 10 հատկությունները, որոնք դրականորեն են ազդում մարդու առողջության վրա:



1. **Խթանում է քաշի կորուստը:** Վրաստանի համալսարանում իրականացված հետազոտությունները պարզել են, որ ռեսվերատրոլը նպաստում է մի-հարելու գործընթացին. կտրուկ նվազեցնում է բջիջների՝ ճարպ հավաքելու հնարավորությունը և զգալիորեն խթանում է ճարպային բջիջների ոչնչացմանը:

2. **Պաշտպանում է սիրտը:** Ռեսվերատրոլը ունի արյան անոթների ճկունությունը մեծացնող կարողություն, որը եւ հեշտացնում է արյան շրջանառությունը, իսկ այս դեպքում թթվածինն ու սնուցիչները մատակարարվում են մարմնի բոլոր մասերը: Խաղողը նաև կարող է իջեցնել արյան ճնշումը: Որոշ գիտական ուսումնասիրություններ ցույց են տվել, որ օրական 10 մգ ռեսվերատրոլի ընդունումը կարող է կտրուկ նվազեցնել սրտի կաթվածի ռիսկերը:

3. **Պաշտպանում է ուղեղի առողջությունը:** Շվեյցարիայի հետազոտողների կատարած ուսումնասիրությունները ցույց են տվել, որ ռեսվերատրոլը ունի շատ մեծ դրական ազդեցություն ուղեղի առողջության վրա: Նրանք պարզել են, որ այս նյութը հնարավորություն ունի չեզոքացնելու ուղեղի ազատ ռադիկալներին դրանով իսկ նվազեցնելու Ալցհեյմերի հիվանդության զարգացման ռիսկը:

4. **Բարելավում է հիշողությունը:** Մեծ Բրիտանիայում անցկացված հետազոտությունները ցույց են տվել, որ ռեսվերատրոլը 200%-ով բարձրացնում է ուղեղի արյան շրջանառությունը: Գիտնականները կարծում են, որ այդ քիմիկատները կարող են բարելավել մեր մտավոր ունակությունները:

5. **Պաշտպանում է մաշկը քաղցկեղից:** Բազմաթիվ հետազոտություններ ցույց են տվել ռեսվերատրոլի դրական ազդեցությունը նաև քաղցկեղի դեմ պայքարում: Այս բաղադրիչը, որով հարուստ է խաղողը, պաշտպանում է մաշկը արելի վնասակար ճառագայթներից:

6. **Պաշտպանում է մարմինը ճառագայթային:** Այս բաղադրիչն ունի ուժեղ եւ պաշտպանիչ ներգործություն ճառագայթային թերապիայի ընթացքում:

7. **Ակտիվացնում է երկարակեցության գենը:** Ուսումնասիրություններից մեկը ցույց է տվել, որ խաղողի բաղադրիչները կարող են ակտիվացնել այն գենը, որը պատասխանատու է երկարակեցության համար:

8. **Օգնում է դիաբեթի բուժման ավելի արդյունավետ դարձնել:** Համաձայն «Ալբերտ Էյնշտեյն» բժշկական քոլեջի անցկացրած հետազոտությունների ռեսվերատրոլը կարող է նվազեցնել արյան մեջ շաքարի մակարդակը մինչև 10%-ով:

9. **Օգտակար է բորբոքումների բուժման ժամանակ:** Խաղողի բաղադրիչները գերազանց հակաբորբոքային հատկություններ ունեն:

10. **Օգնում է մկանների վերականգնմանը:** Ռեսվերատրոլն օգնում է բջիջներին ազատվել բուժման համար կիրառվող վերականգնողական լարվածությունը եւ մկանային ցավը:

ՀԵՏԱՔՐՔԻՐ Է

ԱՅՆ, ԻՆՉՈՎ ԼԻ Է ՀՈՓԻՆ

Մի անգամ անգետ մարդիկ միտումնավոր սկսում են բարձրաձայն վիրավորանքներ հասցնել իրենց կողքով անցնող մի իմաստունի: Վերջինս ամեն ինչ լսում է, սակայն նրանց պատաս-

խանում է ժպիտով ու բարեմաղթանքներով: Այս տեսարանին ներկա գտնվողներից մեկը դիմում է իմաստունին.
- Դու ժպտացիր եւ այդ մարդկանց առողջություն մաղթեցիր: Մի՞թե չես չարանում նրանց հանդեպ:
Իմաստունը պատասխանեց.

- Երբ ես շուկա եմ գնում, այնտեղ կարող եմ ծախսել միայն այն, ինչ կա իմ քսակում: Այդպես է նաև մարդկանց հետ շփվելիս: Ես նրանց կարող եմ տալ միայն այն, ինչով լի է իմ հոգին...

ԹԵՎԱՎՈՐ ՄՏՔԵՐ

Մեր ժողովուրդը հզոր է իր գերդաստաններով:
ՍՈՒՐԱՑԱՆ (1854-1908)
Հայ գրող
Թե չի սիրում, թո՛ղ չսիրի: սակայն երբե՛ք չբամբասի:
ՇՈԹԱ ՌՈՒՄԱՍՎԵԼԻ (XII դար)
Վրաց բանաստեղծ
Մեծակությունը, ծերության ամենաստույգ հատկանիշն է:
ՀԵՆՐԻ ՕԼԲՈԹ (1832-1907)

Ամերիկացի հասարակական գործիչ
Խիղճը հազար վկա արժե:
ՔՎԻՆՏԻԼԻԱՆՈՍ (35-96)
Հռոմեացի հեռուորդ
Ինչ չեն հասկանում, նրան չեն տիրապետում:
ԳՅՈԹԵ (1749-1832)
Գերմանացի բանաստեղծ
Իմանալ այն, ինչ գիտեն բոլորը, նշանակում է ոչինչ

չիմանալ: Գիտելիքը սկսվում է նրանից՝ ինչ չգիտեն մարդիկ:
ԳՈՒՐՍՈՆ (1858-1915)
Ֆրանսիացի գրող
Որքան ցածր է ինքնագնահատականը, այնքան ավելի շատ է մարդն իր նկատմամբ ուշադրություն պահանջում:
Ա.ՂԱԶԱՐՅԱՆ «Վրաստանի» ընթերցող



ՅՈՑ ՏՐԻԼԻՈՆ ԴՈՒՍՐԻ ՎԵՍՍ՝ ՏԱՐԵՐԱՅԻՆ ԱՂԵՏՆԵՐԻՅ

Գրեթե ամեն օր հեռուստատեսությամբ ինֆորմացիա են հայտնում աշխարհի այս կամ այն վայրում տարերային աղետների մասին: Հե-տաբերքի է հաշվարկներ արվում են արդյոք դրանց պատճառած վնասների, մարդկային զոհերի վերաբերյալ:



Ս. Մարգարյան

ԹՐԻԼԻՍԻ

Նման հաշվարկներ կատարվում են: Մասնավորապես, Գերմանիայում հետազոտողները հաշվարկել են, որ 20-րդ դարակազմից մեր մոլորակի վրա տեղի ունեցած տարերային աղետները 7 տրիլիոն դոլարի վնաս են հասցրել համաշխարհային տնտեսությանը: Նրանց կողմից կազմված տվյալների բազայում գրանցված է 35 հազար կատակլիզմ, որ ավելի քան 8 մլն մարդու կյանք են խլել:

Կարկուռեի տեխնոլոգիական ինստիտուտի մի խումբ գիտնականներ ջրհեղեղների, երաշտների, փոթորիկների, հրաբուխների ժայթքումների, երկրաշարժերի եւ անտառային հրդեհների վերաբերյալ 90-ից ավելի լեզուներով հաղորդումներ են ուսումնասիրել մամուլում, ինչպես նաև արխիվային տվյալներ:

1900 եւ 2015 թվականների միջև ընկած ժամանակաշրջանում տնտեսական վնասի մոտավորապես 40 տոկոսի պատճառը եղել են ջրհեղեղները, մոտա-

վորապես 25 տոկոսը՝ երկրաշարժերը, շուրջ 20 տոկոսը՝ փոթորիկները, 12 տոկոսը՝ երաշտները, 2 տոկոսն անտառային հրդեհները եւ մինչեւ 1 տոկոսը՝ հրաբուխների ժայթքումները:

Թեև բացարձակ արտահայտությամբ տնտեսական վնասները վերջին հարյուր տարվա ընթացքում աճել են, այժմ դրանք կազմում են շենքերի, ճամապարհների եւ մարդկանց կողմից ստեղծված այլ ենթակառուցվածքի միագումար արժեքի ավելի քիչ տոկոսը: Դա նշանակում է, որ մարդկությունը սովորել է ավելի լավ գլուխ հանել տարերային աղետների հետևանքներից:

Տարերային աղետների հետևանքով մահացության մակարդակը վերջին ժամանակներս մնում է կայուն՝ տարեկան մոտավորապես 50 հազար մարդ: Հաշվի առնելով այն, որ երկրի բնակչությունն աճում է, դա նշանակում է, որ համամասնական առումով այդօրինակ աղետներից մահացության մակարդակն ընկնում է:

ՄՍԷԾԾ՝

ՃԱՐՊԱԿԱԼՈՒՄԸ՝ ԳԵՐԲՆԱԿԵՑՈՒՄԸ ԱՌԱՎԵԼ ՎՏԱՆԳԱՎՈՐ



Որքան էլ զարմանալի լինի, վերջերս, երկրորդ պլան մղելով գլխավոր հիմնախնդիրները, առաջնահերթային են դարձրել ճարպակալության հիմնախնդիրը: Որքանով է դա իրարտեսական:

Ա. Մելքոնյան

Ախալքալաքի

Բրիտանացի գիտնականները նախագծում են, որ ճարպակալման տարածումն աշխարհում մույն ազդեցությունն ունի բնապահպանության եւ երկրազոհի պաշարների վրա, ինչ ազդեցություն ունի մոլորակի բնակչության ավելացումը մեկ միլիարդով:

Հիգիենայի եւ արեւադարձային բժշկության՝ Լոնդոնի դպրոցի հետազոտողներն առաջին անգամ հաշվարկել են երկրագնդի բնակչության ընդհանուր քաշը՝ 287 մլն տոննա:

Ընդ որում, 15 մլն տոննան բաժին է ընկնում ավելորդ քաշ ունեցող մարդկանց, իսկ 3,5 մլն տոննան՝ նրանց, ովքեր տառապում են ճարպակալումից:

Օգտագործելով Առողջապահության համաշխարհային կազմակերպության տվյալները՝ նախագծի մասնակիցները հաշվարկել են, որ չափափաս մարդը կշռում է միջինը 62 կիլոգրամ, բայց ԱՄՆ-ում այդ ցուցանիշը բարձր է մեկ երրորդով: Ընդհանրապես, այդ ցուցանիշը խիստ տարբերվում է ըստ տարածաշրջանների: Եթե Հյուսիսային Ամերիկայում չափափաս մարդու մարմնի

միջին քաշը 80,7 կգ է, ապա Ասիայում 57,7 կգ է:

Բրիտանական հետազոտությունների համաձայն, Ասիային բաժին է ընկնում երկրագնդի բնակչության 61 տոկոսը եւ նրա ընդհանուր քաշի ընդամենը 13 տոկոսը:

Ձեկույցի հեղինակներից մեկը՝ պրոֆեսոր Իեն Ռոբերթսը, բացատրել է այդ նախագծի գլխավոր գաղափարը. «Երբ մենք խոսում ենք բնապահպանական խնդիրների մասին, ամփոփապես հիշում ենք երկրագնդի բնակչության աճը: Բայց խնդիրը ոչ թե ուտող բերանների քանակն է, այլ մարդկանց մարմինների ավելորդ զանգվածը»: Ընդ որում, պրոֆեսոր Ռոբերթսը նախագծու շարժումն է, որ բանն այստեղ բնավ էլ միայն ճարպակալումը չէ: «Երբ մենք խոսում ենք ճարպակալման մասին, շատերը պատկերացնում են, թե գոյություն ունեն ինչ-որ ոչ ճիշտ «նրանք» եւ բոլոր մնացածները՝ «մենք»: Իրականում այդ խնդիրը վերաբերում է ողջ մարդկությանը: Բոլորիս քաշն է ավելանում», - ասել է նա Բի Բի Սի-ին տված հարցազրույցի ժամանակ:

2 Ս՞ Ի , ձ 1 Ս՞ Ծ

* Լոռեցուն հարցնում են.
- Ո՞ր շորն ես շատ սիրում:
- Տեղաշորը:
* Լոռեցին գերանը ուսին անտառից հոգնած տուն է գալիս: Դուրը բացում է, տեսնում կիմը սիրածի հետ ան-

կողմում պառկած: Մատը տնկում է.
- Էրնե՛կ ձեր հավետեանը՝ ե՛ս:
* Լոռեցուն հարցնում են.
- Կրն՞աղ հետ ո՞նց ես...

- Դու լավ ըլնես...
* Լոռեցուն ասում են.
- Էն հեռու անտառը տեսնը՞մ ե՛ս:
Լոռեցին պատասխանում է.
- Չէ՛, ծառերը խանգարում են:

* Է՛ն տարիներին լոռեցու տղան հեռագիր է ուղարկում Մոսկվայից.
- Հերս, Ռուբենանց հասցեն մոռացել եմ, գրի, ղըրգի:
Պատասխան է ստանում.
- Էն խի՞ էիր մոռանըր:

ՀԱՅԱՍՏԱՆ - ԱՐՑԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱՎԿԱԶՊՐԵՍԻ ՆՅՈՒԹԵՐՈՎ

Մեր սարգսան. «...ԻՆՉՈ՞Ւ, ԱՅՆՈՒԱՄԵՆԱՅՆԻՎ, ԴԱ ՊԱՏԱՐԵՑ»



Ապրիլի 22-ին Հայաստանի նախագահ Սերժ Սարգսյանը հանդիպում ունեցավ պաշտոնական այցով Հայաստանում գտնվող Ռուսաստանի Դաշնության արտաքին գործերի նախարար Սերգեյ Լավրովին:

Հանդիպմանը քննարկվեցին հայ-ռուսական հարաբերությունների օրակարգին եւ ապրիլի 2-5-ը ԼՂ հակամարտության գոտում Ադրբեյջանի սանձազերծած ռազմական գործողությունների հետեւանքով ստեղծված իրավիճակին վերաբերող հարցեր:

Վերջինս հարգելի ասացավ: Բայց Ադրբեյջանի այդ գործողությունները, իմ կարծիքով, բանակցային գործընթացը մղեցին բավականին հեռու մի կողմ:

Ներկայացնեք Ձեր պատկերացումը: իհարկե, արժանի հակահարված ստացավ: Բայց Ադրբեյջանի այդ գործողությունները, իմ կարծիքով, բանակցային գործընթացը մղեցին բավականին հեռու մի կողմ: Դրա համար էլ ինձ համար չափազանց կարեւոր է Ձեր տեսակետը՝ ինչո՞ւ, այնուամենայնիվ, դա պատահեց: Իհարկե, մենք մեր պատկերացումն ունենք, բայց Դուք շատ ավելի եք տեղեկացված, այդ իսկ պատճառով շնորհակալ կլինեմք, եթե Դուք

կընդունեին արդեն իրավականորեն պարտավորեցնող փաստաթղթերի մշակման, նախապատրաստման համար, իհարկե, դա ոչ միայն կարեւոր դեր կխաղար բանակցությունների վերսկսման համար, այլ նաեւ զսպող գործոն կհանդիսանար բռնության բռնկումներ թույլ չտալու համար: Բայց, կրկնում եմ, լուծման կարող եմ հասնել միայն իրենց՝ կողմերը: Մենք փորձել ենք, փորձում ենք եւ կփորձենք օգնել համախառն հիմքերի՝ ամերիկացիների, ֆրանսիացիների հետ միասին: Մենք ունենք միասնական դիրքորոշում, եւ, ինչպես հասկանում եմ, Հայաստանը սատարում է այդ դիրքորոշմանը: ասաց ՌԴ արտգործնախարար Սերգեյ Լավրովը:

ՔՆՆԱՐԿՎԵԼ Է ՀՐԱԳԱՎԱՐԻ ԽԱՆՏԱՄԱՆ ՀԵՏԵՎԱՆՔՈՎ ՍՏԵՂԾՎԱԾ ԻՐԱՎԻՃԱԿԸ

Ապրիլի 25-ին Հայաստանի նախագահ Սերժ Սարգսյանը ամերիկյան կողմի նախաձեռնությամբ հեռախոսազրույց է ունեցել ԱՄՆ պետքարտուղար Ջոն Թերրիի հետ:

Քննարկվել է Լեռնային Ղարաբաղի հակամարտության գոտում ապրիլի սկզբին Ադրբեյջանի կողմից հրադարձված իրավիճակը: Սերժ Սարգսյանը ընդգծել է, որ Բաքվի անպատասխանատու

քայլերը մեծ վնաս են հասցրել բանակցային գործընթացին: ԱՄՆ պետքարտուղարը վերահաստատել է ղարաբաղյան հիմնախնդրի խաղաղ լուծմանն ուղղված գործընթացին Միացյալ Նահանգների լիակատար

աջակցությունը: Երկուստեք ընդգծվել է, որ հիմնախնդրի խաղաղ լուծումն այլընտրանք չունի, եւ անհրաժեշտ է հիմնարար սկզբունքների հիման վրա գտնել փոխընդունելի լուծման մեխանիզմներ: Կարեւորվել է ԵԱՀԿ Մինսկի խմբի համախառնության դերակատարությունը՝ նկատի առնելով, որ այն հարցի կարգավորման միակ միջազգայնորեն ճանաչված ձեւաչափն է:

ԸՆԳՊԾՎԵՑ՝ ՎԵՐԱՀԱՎՈՐՈՒԹՅԱՆ ՄԵԽԱՆԻԶՄՆԵՐԻ ՆԵՐԳՐՄԱՆ ԱՆՀՐԱԾԵՆՏՈՒԹՅՈՒՆԸ

Ապրիլի 25-ին Հայաստանի նախագահ Սերժ Սարգսյանը հանդիպում ունեցավ Ֆրանսիայի ԱԳՆ Եվրոպական հարցերով պետքարտուղար Արլեն Դեգրիի հետ:

Հանդիպմանը հանգամանորեն քննարկվել են հայ-ֆրանսիական հարաբերությունների օրակարգը, Հայաստան-Եվրամիություն փոխգործակցության զարգացման հնարավորությունները, ինչպես նաեւ անդրադարձ է կատարվել Լեռնային Ղարա-

բաղի հիմնախնդրի կարգավորման բանակցային գործընթացին: Ֆրանսիայի արտգործնախարարության Եվրոպական հարցերով պետքարտուղար Արլեն Դեգրիը հանդիպման սկզբում նախ Հայաստանի նախա-

գահին փոխանցեց Ֆրանսիայի նախագահ Ֆրանսուա Օլանդի ջերմ ողջույններն ու բարենաղթանքները եւ վերահաստատեց բարեկամ Ֆրանսիայի, որ միաժամանակ հանդիսանում է ԵԱՀԿ Մինսկի խմբի համախառնության երկիր, դիրքորոշումը Լեռնային Ղարաբաղի հիմնախնդրի լուծման վերաբերյալ: Կողմերը համակարծիք էին, որ ստեղծված իրավիճակում

ՀԱՅԱՍՏԱՆ ՀԱՄԱՀԱՅՎԱԿԱՆ ՀԻՄՆԱԳՐԱՄԻ ՀԱՅՏԱՐԱՐՈՒԹՅՈՒՆԸ

Սիրելի հայրենակից, Ապրիլի 1-ի լույս 2-ի գիշերն ադրբեյջանական բանակը լայնածավալ հարձակում սկսեց Լեռնային Ղարաբաղի Հանրապետության դեմ՝ նպատակ ունենալով բնաջնջել արցախահայությանն ու բռնի ուժով տիրանալ մեր պատմական հողերին: Քառօրյա ռազմական գործողությունների ընթացքում թշնամին օգտագործեց իր ունեցած գրեթե բոլոր զինատեսակները, ներառյալ՝ ծանր հրետանի եւ օդուժ: Թիրախ դարձան ոչ միայն մեր մարտական դիրքերը, այլեւ խաղաղ բնակավայրերը՝ Թալիշը, Մատաղիսը, Մարտակերտը եւ շփման գծի երկայնքով

այլ համայնքներ: Հայ զինվորի սուրբ արյան գնով կասեցվեց հարձակումը: Տալով հարյուրավոր զոհեր՝ թշնամին մահանջեց չհասնելով իր հանցավոր նպատակներին: Անմահացան բազմաթիվ հայրերի: Փառք ու պատիվ նրանց հայրերին, ուժ ու կորով նրանց մայրերին... Որպես Լեռնային Ղարաբաղի Հանրապետության զարգացման եւ հզորացման անմիջական մասնակից եւ աշխարհասփյուռ հայության գործնական միասնականությունը խորհրդանշող ներկայացուցչական մարմին՝ «Հայաստան» համահայկական հիմնադրամը հայությանը դիմում է

Արցախի շուրջ համախմբվելու կոչով: Այսօր Արցախը ձեր անմիջական աջակցության կարիքն ունի լուծելու մարդասիրական եւ ենթակառուցվածքների վերականգնմանն ուղղված հույժ կարեւոր խնդիրներ: Ձեր նվիրատվությունները կարող եք փոխանցել «Հայաստան» համահայկական հիմնադրամի հաշվեհամարներին, կատարել առցանց <https://donate.himmadr.am/> եւ կամ կանխիկ նվիրատվություն՝ այցելելով Հիմնադրամի գրասենյակ: Ծրագրերն ազատվում են վերադիր ծախսերից: Կանխավ շնորհակալություն ենք հայտնում Հայրենիքի նկատմամբ ձեր հոգածության համար:

ԱՓՈՍՏԱՆԵ՝ ԱՅՅՈՒ ՀԵՏԱԶԳՄԱՆ ԱՌԵՎ

Ապրիլի 23-ին Հայաստանի նախագահ Սերժ Սարգսյանը եւ ՄԱԿ-ի գլխավոր քարտուղար Պան Գի Մունը հեռախոսազրույց են ունեցել: Հեռախոսազրույցը տեղի է ունեցել ՄԱԿ գլխավոր քարտուղարի նախաձեռնությամբ: Զրույցի ընթացքում, Գլխավոր քարտուղար Պան Գի Մունը ակոստանք է հայտնել, որ չնախատեսված հանգամանքների բերումով հետազգվել է իր այցը Հայաստան: Գլխավոր քարտուղարը, կարեւորելով ԼՂ հիմնահարցի խաղաղ կարգավորման գործընթացը, իր լիակատար աջակցությունն է հայտնել ԵԱՀԿ Մինսկի խմբի համախառնողների գործունեությանը: Սերժ Սարգսյանը հույս է հայտնել, որ կիաջողվի նրա այցը իրականացնել փոխադարձաբար համաչափացված նոր ժամկետներում:

ՊՍԵՏՈՒԹՅԱՆ ԱԶՍԵՎԵԼ ԵՆ ԲԱՐՁՐԱՍՏԻՃԱՆ ԶԻՆՏԱՐԱՅՈՒՆՆԵՐ

Հայաստանի նախագահ Սերժ Սարգսյանը ապրիլի 26-ի հրամանագրով պաշտպանության նախարարության եւ գլխավոր շտաբի մի շարք բարձրաստիճան զինվորականներ ազատվել են զբաղեցրած պաշտոններից: Հայաստանի նախագահի հրամանագրով, Ալիկ Միրզաբեկյանը ազատվել է Հայաստանի պաշտպանության նախարարի տեղակալ-նյութատեխնիկական ապահովման դեպարտամենտի պետի պաշտոնից, գեներալ-մայոր Կոմիտաս Մուրադյանը՝ Հայաստանի զինված ուժերի կապի գործերի պետ-կապի եւ ավտոմատացված կառավարման համակարգերի վարչության պետի պաշտոնից, գեներալ-մայոր Արշակ Կարապետյանը՝ Հայաստանի զինված ուժերի գլխավոր շտաբի հետախուզության վարչության պետի պաշտոնից:

ՀԱՄԱԽԱՐՆ ԱՐՏԱՔԵՆ ԱՎՏՊԵՆԵՐԸ ԱՃԵԼ ԵՆ 285 ՄԻԼԻՈՆ ԳՈՒՐԸ

Հայաստանի Կենտրոնական բանկի տվյալներով, 2015 թվականի սկզբի եւ վերջի դրությամբ, համախառն արտաքին ակտիվներն ավելացել են 285 միլիոն 995 հազար 967.92 դոլարով: Տարվա սկիզբի՝ 1 միլիարդ 489 միլիոն 443 հազար 576.89 ԱՄՆ դոլարից տարվա վերջին համախառն արտաքին ակտիվները հասցվել են 1 միլիարդ 775 միլիոն 439 հազար 237.12 ԱՄՆ դոլար:

ԱՎՏՈՐՈՒՄՈՒ ՊՍԵՏՅՈՒՆՆԵՐԵՎԱՆԻ ՀԱՄԱՔՅԱՆ ՓՈՂՈՑՈՒՄ

Ապրիլի 25-ի ուշ երեկոյան Հալաբյան փողոցում, 63 համարի երթուղու ավտոբուսում, տեղի ունեցավ պայթյուն: Ավտոբուսի պայթյունի հետեւանքով կա 8 վիրավոր եւ 2 զոհ: Հայաստանի Ազգային անվտանգության ծառայության օպերատիվ միջոցառումների եւ քննչական ակտիվ գործողությունների արդյունքում, ամբողջությամբ հերքվել է տեղական եւ միջազգային մամուլում շրջանառվող ահաբեկչության վարկածը:



ԱԶՎԿՅԵՆԵ ՄԵՐ ՏԱՂԱՆԴԱՎՈՐ ԻՎԵՏԱ ՄՈՒԿՈՒՅՅԱՆԻՆ

Հարգելի՛ հայրենակից, Հայաստանն այս տարի արդեն տասներորդ անգամ մասնակցում է եվրոպական ամենաեղիմնակավոր «Եվրատեսիլ» եր-

գի մրցույթին, որը տեղի կունենա մայիսին, Շվեդիայի մայրաքաղաք Ստոկհոլմում: Տասներորդ անգամ եվրոպական ամենաբարձր հարթակից պատվով հնչելու է Հայաստանի անունը: Այս բոլոր տարիների ընթացքում համախմբված կերպով մշտապես մեր կողքին են եղել մեր սփյուռքահայ հայրենակիցները: Մենք մշտապես զգացել ենք Սփյուռքի անգնահատելի աջակցությունը՝ ամենատարբեր մակարդակներով: Հենց այդ աջակցության շնորհիվ ենք մենք կարողացել պատվով ներկայանալ եղիմնակավոր այդ մրցույթում եւ զբաղեցնել բարձր հորիզոնականներ: Այս տարի եւս մենք ակնկալում ենք Սփյուռքում ապրող մեր հայրենակիցների օգնությունը: Հաշվի առնելով Արցախում

տեղի ունեցող դեպքերը՝ հիմա մենք, աշխարհում սփռված բոլոր հայերս, ավելի քան երբևէ պետք է համախմբված լինենք մեր միասնական ուժը հակառակորդին ցույց տալու համար: «Եվրատեսիլ»-ը հիանալի հարթակ է ներկայացնելու մեր միասնությունն ու այդ միասնությունից բխող հաղթանակը: Այս տարի, ավելի քան երբևէ, մենք ունենք տպավորիչ ելույթի, բարձր հորիզոնականներ

գրավելու, ինչու չէ, նաեւ հաղթանակի լուրջ շանսեր, եւ Ձեր աջակցությամբ վստահ ենք, որ հաղթանակի մեր հնարավորությունները կհարյուրապատկվեն եւ կդառնան ավելի հաստատուն: Անհամբեր սպասում ենք Ձեր արձագանքին, որպեսզի միասին հասկանանք, թե ինչ ձեւաչափով կարող ենք համագործակցել:

Հայաստանի հանրային հեռուստարկերության եվրատեսիլյան ստեղծագործական խումբ

ՅԵՂԱՍՊԱՆՈՒԹՅՈՒՆ -101

ԷԶՄԻԱԾՆԻ ՆԿԱՐԻՉՆԵՐԻ ՑՈՒՑԱՐԱՆԴԵՍԸ` ԹԲԻԼԻՍԻՈՒՄ



Հայոց ցեղասպանության 101-րդ տարելիցին նվիրված միջոցառումների շրջանակում, ապրիլի 21-ին «Հայարտանը» բացվեց Հայաստանի էջմիածին քաղաքի նկարիչներ Գոհար Հարությունյանի, Արեւիկ Սկրտչյանի, Մանան Մուրադյանի «Վերածնունդ» խորագրով ցուցահանդեսը, որն իրականացվեց «Հայարտուն» կենտրոնի, Վրաստանի հայ նկարիչների միության կազմակերպմամբ և էջմիածին քաղաքապետարանի աջակցությամբ: Ցեղասպանության նահատակների սուրբ հիշատակը ոգեկոչող այդ հավաքածուն զարմացրեց ցեղասպանության թեմային նախասահմանված, ավանդական սգո, լացի փոխարեն, վերածննդի, կյանքի փառաբանման ու բարու հաղթանակի վարակիչ հավատով:

Հանրության ուշադրությանն առանձնապես արժանացավ Գոհար Հարությունյանի «Կոմիտաս» կտավը, ուր, հայ կերպարվեստի պատմության մեջ, թերեւս առաջին անգամ, մենք տեսնում ենք ո՛չ նահատակ Կոմիտասի եղերական կերպարը... Հարությունյանի Կոմիտասը բնության պայծառ գրկում տոխակի դայլայլը ունկնդրող, հոգեզնայլ ինքնամոռացության գիրկն ընկած արվեստագետն է... Իսկ Արեւիկ Սկրտչյանի «Թիթեմերը», հեղինակի խոստովանությամբ, այն նահատակված երեխաների հոգիներն են, որ պետք է վերապրեն նոր սերունդներում...

Իր գնահատականը տալով ցուցահանդեսին Վիրահայոց թեմի առաջնորդ Տեր Վազգեն եպիսկոպոս Միրզախանյանը մասնավորապես ասաց. «Թիֆլիսում ցուցադրվելը մեծ համարձակություն է պահանջում, եւ Գոհարը, Արեւիկը, Մանանը իրենց քննությունը հանձնեցին... այո, մենք հաղթելու ենք մեր մտքով, մշակույթով եւ միասնությամբ»:

Ցուցահանդեսի մասին գնահատականի խոսքեր ասացին միջոցառմանը ներկա Վրաստանում Հայաստանի դեսպանության խորհրդական Կարեն Մելիքյանը, բանաստեղծ-բարձմանիչ Գիվի Շահնազարը, Վրաստանի հայ մտավորականների միության նախագահ Եմը Թադեոսյանը, գեղանկարիչներ Թենգիզ Միկոյանցը, գեղանկարիչ Գոհար Հակոբյանը: Երեկոյին իրենց մասնակցությունն էին բերել Վրաստանի խորհրդարանի անդամ Ռուսլան Պողոսյանը, «Վրաստան» թերթի խմբագիր Վան Բայբուրդյանը:

ՋՈՒՐՆԱԿԱՆ ԲԱՊԱԼՅԱՆ

ՄԻՋԱԴԵՊ

ՍՈՒՐԲ ԵՐՐՈՐԴՈՒԹՅԱՆ ՏԱՃԱՐԻ ՀՐԳԵՂԻ ԺԱՄԱՆԱԿ ԿՈՐԵԼ Է ԵՐԵՔ ԿԻՆՈԳՐԱՍ ՈՍԿԻ

Շուրջ երեք շաբաթ առաջ Թբիլիսիի Սուրբ Երրորդության Մայր Տաճարում տեղի ունեցած հրդեհը, բացառված է, որ պատահական չի ծագել: Նաեւ բացառված է, որ արհեստական հրդեհի ծագման գործում խառնված են

եղել հոգեւորականներ: Քննիչներն արդեն հարցաքննել են մի շարք հոգեւորականներ: Հարցաքննվելու են եւս մի քանիսը: Հայտնի դարձավ, որ տաճարից հրդեհի ժամանակ գողացել են մոտ երեք կիլոգրամ ոսկի:

ՄՊՈՐՏ

ՎՐԱՍՏԱՆԻ ԶՅՈՒԴՈՅԻ ՀԱՎԱՔԱԿԱՆԸ` ԵՎՐՈՊԱՅԻ ԶԵՄՊԻՈՆ



Վրաստանի ծյուղոյի հավաքականը, Կազանում անցկացվող Եվրոպայի առաջնության թիմային մրցաշարի եզրափակիչ փուլում, 3:2 հաշվով պարտության մատնեց Ռուսաստանի հավաքականին և նվաճեց Եվրոպայի չեմպիոնի կոչումը:

Մինչ այդ, վրաց ծյուղոյիստները 5:0 հաշվով առավելության հասան Հունգարիայի թիմի նկատմամբ, 4:1 հաշվով պարտության մատնեցին հույներին եւ նույն հաշվով էլ առավելության հասան Լեհաստանի հավաքականի նկատմամբ:

Նշենք, որ Վրաստանի ծյուղոյի հավաքականն արդեն ութերորդ անգամ նվաճեց մայրցամաքի ուժեղագույն թիմի կոչումը:

ԹԲԻԼԻՍԻ «ԴԻՆԱՄՈՅԻ» ՖՈՒՏԲՈԼԻՍՏՆԵՐԸ` ՎՐԱՍՏԱՆԻ ԶԵՄՊԻՈՆ

Ընթացիկ տարվա Վրաստանի ֆուտբոլի ազգային առաջնությունում չեմպիոնի կոչումը նվաճեց Թբիլիսիի «Դինամոն»: Նշենք, որ դինամոյականները երկրի ուժեղագույնի կոչումը նվաճեցին մրցաշարի ավարտից չորս տուր առաջ: Թիմը իր ակտիվում արդեն գրանցել է 67 միավոր եւ անհասանելի դարձել երկրորդ տեղը զբաղեցնող Սամտրեդիայի համար:

«Վրաստան» թերթի խմբագրությունը խոր վշտով ցավակցում է խմբագրի տեղակալ Յուրի Պողոսյանին նրա քրոջ ամուսնու՝

ՎԱՏԱՆՎԵԼ Է ԹԵՆԳԻԶ ՄԵՆԹԵՆԱՇՎԻԼԻՆ



Մոսկվայից ստացվել է ցավալիլուր: 88 տարեկան հասակում վախճանվել է Թենգիզ Մենթեշաշվիլին: Թբիլիսիի Հավաքար թաղամասի ծնունդ Թենգիզ Մենթեշաշվիլին եղել է Վրաստանի պետական եւ քաղաքական բարձրաստիճան գործիչներից մեկը: Երկար տարիներ աշխատել էր խորհրդային Միության Գերագույն խորհրդի նախագահության քարտուղարի պարտականությունները:

Թենգիզ Մենթեշաշվիլուն թբիլիսցիներն առանձնակի հիշում են, երբ նա գլխավորում էր մայրաքաղաքի կուսակազմակերպությունը, հանդիսանում էր քաղաքի փաստացի ղեկավարը: Նրա անվան հետ են կապված քաղաքում իրականացված բազում նշանակալի միջոցառումները, այդ թվում՝ նրա նախաձեռնությամբ սկսված «Թբիլիսոբա» տոնը:

«Վրաստան» թերթի խմբագրությունը խոր վշտով ցավակցում է խմբագրի տեղակալ Յուրի Պողոսյանին նրա քրոջ ամուսնու՝
Գրիշա Սարգսի ԲԱՐՍԵՂՅԱՆԻ
մահվան կապակցությամբ:

Table with 10 columns and 10 rows, containing numbers 1 through 59 in a grid pattern.

Խ Ա Զ Բ Ա Ռ

ՀՈՐԻԶՈՆԱԿԱՆ. 1.Ե՛վ Ալիխանյանը, ե՛լ Նյուտոնը: 5.Որոգայթ, գազանին բռնելու գործիք: 7.Լեւոն Շանթի հերոսուհի: 8.Ուրարտուի թագավոր: 9.«... կար սակայն, էն մութ ծորերում» (Հովհ.Թումանյան): 11.Սեղանի խաղ: 16.Ե՛վ քաղաք, ե՛լ շաբաթի գործարան Վրաստանում: 18.Սուրացանի հերոս Ցլիկ ...: 19. Վրաստանում քրիստոնեությունը տարածած կոյս: 20.Անանապահական ...: 21.Լվացքի փոշի: 23.Երգչուհի ... Գասպարյան: 25.Լուծում, պարզում: 28.Անձնական դերանուն: 29.Իսպանացի հայտնի նկարիչ: 31.Թբիլիսիի Պ.Ադամյանի անվան պետհայդրամայի դերասանուհի Սկրտչյանը: 32.Ցուցական դերանուն: 33.Անվանի կոմպոզիտոր Քրիստափոր ... Սուրբա: 36.Հայտնի, անուն հանած: 37.Եվկադորի մայրաքաղաքը: 39.Այբու...: 41.Դերձակի գործը: 42.«... ոտքը կարճ է լինում» (ժող.ասաց.): 43.Արաբ ահաբեկիչ ... Բեն Լադեն: 45.«... տուր, նամի, էն սարի լանջին» («Անուն»): 47.Հայ պատմիչ, «Տարոնի պատմության» հեղինակ Ջենոբ ...: 48.Բույսի ցանկող մասը: 51.Սեւանի ձկնատեսակ: 52.Հայկի ախոյանը: 53.Կա, ներկա գտնվող: 54.«Կայծակի նման, խփեցիր, ...» (ժող.երգ): 55.Պետություն Ասիայում: 57.Թբիլիսիում ծնված օպերային հայ երգիչ (անունը): 58.Ֆաինա ... (երեւանցի թեթեւատելիկայի

ոսկե մեդալակիր): 59.Աֆրիկյան պետություն: ՈՐՂՈՆԱԿԱՆ. 2.Քաղաք Հայաստանում: 3.Մրցասպարեզ կրկեսում: 4.Հայկական պար: 5.Արքայի գլխին: 6.Սեր գործն ու պայքարը ... է: 8.Հերոսուհի «Ուրիշի հոգին» ֆիլմում: 10.Վրաց թագուհի: 12. Մակերեսի չափման միավոր: 13.«Խենթ» վեպի հեղինակը: 14.Այս պետության մայրաքաղաքը Թեւ-Ավիլն է: 15.Հայտնի քաղաք Նիդերլանդներում: 14.Անապատ Ասիայում: 22.Հայ նախարար ... Ամատունի: 24.Իր ճանապարհին ամեն ինչ այրող ու ոչնչացնող զինված խումբ: 26.«Մի օր չղջիկն ու ...ն եկան, թե եկ դառնանք վաճառական» (Հովհ.Թումանյան): 27.Գյուրնեցի երգիչ Գյունաշյանը: 30.Թբիլիսահայ լրագրողուհի ... Իսրայելյան: 34.«... համով դուլուղ արա, խալխի նոքար Սայաթ-Նովա»: 35.Լեռ Ջավախեթիում: 36.Ցուցական, ժամ...: 38.Ռաֆֆի. «... աքաղաղ»: 40.Ե՛վ Նուրեն, ե՛լ Ջավախ: 44.«Թող ... գեշ է, բայց չասես էշ է» (ժող.խոսք): 45.13-14-րդ դդ. մանրանկարիչ ... Վարդապետ: 46.Մահմեդականների դավանած կրոնը: 47.Հեթանոսական տաճար Հայաստանում: 49.Ռուսաստանի նախկին նախագահ Բորիս ...: 50.Նար-Դոսի հերոսուհի: 52.Վարք ու ...: 56.Սեբրոպյան այբուբենի վերջին տառը:

ՆԱԽՈՐԴ ՀԱՄԱՐԻ ԽԱՉԲՈՒ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Կաթված: 6.Փիլիսոփա: 9.Ավեստա: 10.Շորթ: 11.Լակոտ: 13.Փքաբլիթ: 14.Ուսարի: 15.Լեպտա: 16.Սամիթ: 18.Մանան: 19.Տրակոտ: 21.Ջուլիակ: 22.Նիստ: 24.Ամոն: 26.Պասաստ: 28.Գրչակ: 31.Տուրքին: 32.Մայր: 34.Ինգուլ: 35.Լուսակա: 36.Ատրուշան: 38.Սուդան: 39.Արիա: 40.Տարեր: 41.Սանոմետր: 42.Ալանիա: ՈՐՂՈՆԱԿԱՆ. 1.Կաշալոտ: 2.Թերապիա: 3.Ծալք: 4.Քեմբրիջ: 5.Մալթա: 6.Փակաղակ: 7.Սալամանդր: 8.Փիլիպոս: 12.Տուգանք: 13.Փաստ: 17.Թուման: 18.Մադան: 20.Կոնտրալտո: 23.Կերպաս: 25.Մագուրկա: 26.Պիկարոր: 27.Տանուտեր: 28.Գրին: 29.Զիգորին: 30.Կակաթա: 33.Սանթե: 37.Արքա:

Խմբագիր՝ ՎԱՆ ԲԱՅԲՈՒՐԴՅԱՆ

Մեր հասցեն՝ Թբիլիսի 0105
Գ.Աթոնելի փ. 5 հեռ. 2990-739, 2990-774
www.vrastan.ge
E-mail: vrastan@caucasus.net

Գրանցման վկայական
№ 4 4 - 1439
«ԿՈԼՈՐ» իրատարակչություն

“ВРАСТАН”
Тбилиси, Грузия
«VRASTAN»
Georgia, Tbilisi
Индекс 66445